






全函共八本



番易仲公李先生文集目錄

卷之一

古詩

卷之二

古詩

卷之三

古詩

五七言

卷之四

古詩

五七言

卷之五

元

李存歿庵



詩 七言

卷之六

律詩 五言

卷之七

絕句 五言

卷之八

絕句 七言

卷之九

絕句 七言

卷之十

律詩 七言

卷之十一

律詩 七言

卷之十二

雜著

卷之十三

記類

卷之十四

記類

卷之十五

記類

卷之十六

序類

卷之十七

序類

卷之十八

序類

卷之十九

序類

卷之二十

序類

卷之二十一

傳說銘

卷之二十二

說銘

卷之二十三

哀辭 祭文 行狀

卷之二十四

壙記 誌銘 墓表

卷之二十五

墳記 記銘 墓表

卷之二十六

雜文

卷之二十七

雜文

卷之二十八

書簡

卷之二十九

書簡

卷之三十

書簡

卷之三十一

附錄

番禺仲公李先生文集目錄

番易仲公李先生文集卷之一

安仁縣知縣姑蘇謝縉

重刊

國子生邑人

夏霖

校編

古詩

西山歌

西山有廬以我逶迤中田有稌以我療飢春之日宜
桑為父母裳冬之日宜酒為父母壽

古意

時官軍西征二年未利有感而作

西風一鴈過彎弓登西樓臂弱弓不滿天高鴈難求
吁嗟流沙外風雨何時休三夜頻夢君為知沉與浮

况聞霍嫖姚已拜萬戶侯

玉龜杖

吳宗師寄以奉其尊人國公

瀛洲有真人雅度含天熙西鑄崑崙英東剪若木枝
合為玉龜杖照我光陸離奉之堂上翁出入良自隨
乃翁餘筋力寄此萬里思林塘春氣柔老步岨若夷
不見手中杖但見膝下兒

次張伯遠立秋日飲水

秋風何離：客意方洒洒張郎飲秋水百病不敢舍
詩成非有作清氣浩如瀉東吳百萬家疫死相枕藉
不知曾飲此亦有少蘇者

于仲元之京師

蕭：霜氣百渺：小葉赤居人且騷屑之子乃行役
蒼茫倚天劍浩蕩躡雲鳥名師群仙伯漢室久前席
雖無世緣事亦欲待朝夕涼風步虛廡微月坐白石
古人恒有言出處各努力

楓葉雨中老簡上官伯潤舒元易

楓葉雨中老疎陰落庭戶懷親思方續觸景心已悟
初光聊可翫顏照易云暮微餌何足充忘机不待吐
方將鞭後懦庶以張前驚不有同襟者忡忡為誰布

贈李唐經二首

平生尚友心每欲盡今古予來適我願一笑與之語
林深夜闌坐片月落襟屨雖無滿壺酒足洗千劫慮
明年訪廬阜子肯從我去

西風雖無情落葉不自惜山深每高興况有遠來客
起行西窓外覓句了不得共看天上雲纖纖薄而白

雜詩四首

少年不自惜老年百悔生還遇少年人告之不吾磨
履歷始自見無乃歲月傾為尔惜歲月居然得嫌憎
老去無所為結廬在竹莊竹莊荆棘深宿昔狐兔藏
豈無江海頭齒髮不足償生則居庵中死則埋庵傍

秋日方果，獨行溪水千紛然浣紗女及此清未寒
相語有相屬歲晏霜雪繁誰云陶唐風遠矣不可還
慕古既多沮從俗寧可安吾冠方委塵政尔不必彈
彈醉敢獨醒孤芳若為園秋風况無情最解吹年顏

次危太朴韵

疎雨不作涼江雲尚我我客從臨川來氣若橫太阿
示我古詩文篇，秋露荷我年雖未衰憂患虧天和
瑣，世非少涼，誰寔多胡為遠相求愧汗成滂沱
心徒古今赤髮則日夜暗進脩信在已諭訛甘從他
豈無八表羽亦有千歲柯虞廷贊都俞商廟賡猗那

遂此亦常分因君聊復歌

題游氏半邨

入市既湫隘山居復蕭條湫隘塵滿襟蕭條絕無聊
我生邑南隅頗病捷與佻及遷荒郊外鹿豕相儺獯
朝尋野菜煮夕掃落葉燒高興无所發佳賓烏敢邀
何如游徵君隨緣自娛調家傳岐黃術取用給不饒
獨于萬瓦中茅屋秋脩脩擊柝有夕警催租無畫翼
仙疇或少岸礼章常在腰習非原野从氣絕市井澆
再饌皆買菜欲炊待來樵出門百步多流水石作橋
老圃方競事牧童或群謔吟筇瘦何支酒旆青相招

人生在世間何異水上藻過求固云昧苦節亦未超
况葦大隱人多混市與朝亦欲置簡編隨君少逍遙

吳氏寓樂樓

天地一大寓人生果何云試觀混沌初豈待盤古分
蕩蕩水上萍淡淡空中雲根蒂不可著氤氲偶成文
既無惴惴憂似有栩栩欣嗟彼世之徒衆萬相挺重
循環六欲根如赴溺與焚或為視耽或為吠狺狺
不思過隙駒甘作負山蚊頗傳延陵家有在汝水墳
徃徃稱重屋瀟瀟出遊氛主人超然燕客子至者麋
相娛輒琴瑟相論皆典墳竹月照清嘯蘭風拂微醺

更烹山上茶亦煮池邊芥至樂本非樂寓言非所聞
次張仲舉阻雨見寄韻

溪流冒郊郭昏墊如堯年坐令意中人十日墜周旋
問信免為俗見懷斯有篇名人妙詩才華星麗秋天
沈鮫不足避曾劉真欲肩時來林下居密竹涵清娟
戶曠鮮云異言談多所然世情有隆替古道无陳鮮
願為盤中漆莫作弓上弦盤朽漆不落弦枯弓自捐

題燕起樓

邑屋吹魚鱗市聲喧蜂衙百年九秋葉萬事三春花
所以古仙人樓居樂無涯地有不必避心休真我家

銅爐沈水香石鼎先春茶足可致風露何勞痼煙霞
我來秋未深涼風生蒹葭如垂桐江絲遠在滄海槎
俗情比如櫛老去空欲嗟安得分半席從君讀南華

題王氏笈閑亭

笈者不必閑閑者不必笈能笈又身閒涉世何尔妙
利名浩於海好惡險成激躋攀有亡命憤鬱或大呌
癡如蟻旋若若魚上釣不知歲月往以死復誰誚
之子素相聞磊落年尚少構亭頗軒豁勝槩得其要
幽花淡無媚新葉光相照倚欄皆可樂百事弗前料
嗟我玩陳篇兀兀老蓬藿雙眉久不展有臂莫能掉

山根脫雲薄誓欲隨荷蓀倘子不瑕疵拂衣共登眺
寄題汪氏退密庵

紫陽汪大夫未老先致仕經營百年藏結庵自休憩
扁之曰退密有取于繫易相望千里餘一笑問以偈
云何謂之退密也果何地若言早休官眼底非一二
身雖似閒暇心或未能止若言四大離蓋棺事則已
紛々長夜者皆悟退密旨非但如上云十日之所視
夫人皆可能何取密之義大夫天下士未必只如此
菴傍皆高山庵外即清泚晝飢隨粥飯夜則伸腳睡
平生易甘若一一皆夢爾不覩不聞間從來白于水

試語菴中人如是不如是

和汪府判生前挽詩

世人但謀生鮮克獨營死平時不了念骨朽或未已
汪侯方七十綠髮照白齒家山自營域不以貽孫子
松梧舊培植瓦石新甃砌豫事固有訊達生亦可喜
竊聞高世徒不圖生死裏長存非有戀奄化亦無志
豈復較委收尚何擇焉蟻天地我棺擲山川我衣被
况聞階庭下冉冉富蘭蕙崇廣存古法絞衾以時制
先生固云達于此似多慮

考試呈同院諸公

時先生分考易義卷

湖澹暮烟松林鬱秋烟沉沉絃誦堂濟濟衿佩負
太守親試藝整襟坐寒壇教言既賡：東志真拳拳
外郡且能來豈徒我疆屢競題慮寸晷運思窮深淵
喧如畫蜂出寂若春蚕眠少輩固卓犖老翁亦踈蹊
嗟予果何人讎校追群賢白晝靜兀兀青燈夜如年
聖朝久薰陶良牧初承宣擇善敢率爾逢奇共歛然
顧此且凡庸雖常習章編粗通聚數末豈達天地光
况復事箋註真成守蹄筌去取豈其任強頌效埃涓
五番亦幸哉士氣新且堅中程固云喜暫黜亦足憐
志欲等金石朝昏自磨鐫重逢大比時定有高科聯

聞當由輩出功名或無前豈惟一時美足使千載傳

贈胡巡檢民

志文光卿皆當年叛寇奸臣指
近年伯顏而言也

重雲閉濕熱欲作夏至雨胡子溪上來披衣一相語
南風解人意稍亦入窓戶開樽薦瓜韭汲井具雞黍
予為廬陵秀家世蕃且鉅早歲走京師騫然好儀矩
詩書雖素習殺氣在眉宇整為巡警吏出入備鉦鼓
手弓張黑角腰箭開白羽里曠散鷄豚垣墻奔狗鼠
因思閩廣間壤地有深阻克豪據溪洞老幼負戈弩
幾微相咬噬動輒相齟齬古今声教遠徃徃累南土
整齊非束縛全活在綏撫荒忽固無常跳踉乃其所

雖云聚蠭蟻頗亦頓軍旅遠道困供輸窮限多毒蠱
幸逢天子聖元帥復雄武前歲醢光卿今年烹志
父此雖下愚者生育皆父母端由一念失血肉泥砧
斧天道實寬容皇威安敢侮今聞豺狼窟悉已反農
圃早暮或笙竽村墟且商賈奸臣操國柄近亦死南
浦詔書一日下海內盡歌舞橫筭罷舟車求賢復科
舉閭閻皆跨馬流謫歸故處百祥斯可至萬惡為之
沮頽余頭已白甚覺負章甫眼目更昏眩筋骸將偃
僕子年纔十五聲價滿吳楚朋友實天倫磊落傾肺
腑行當分閭積終可立朝著相看方侃々索別何踣

踣波濤隨地有切莫倦篙櫓
去淒迷斜照草髣髴晚烟樹
出處莫為謀音書可相許

汪巡檢南雄官滿過安仁且將北上賦詩為別

積雨夏方歇山居清不炎
若人故意多遠來信撓謙
疇昔相見時瓊枝照秋蟾
別今二十載頗帶嶺海黔
同來二三公氣度和且廣
山市急沽酒瓶甕倒薺鹽
邵子聞善謹馮君將長髯
此歡豈易逢累日殊未厭
竊聞黎烝民扇據雷與廉
牧守或散走偷生向閭閻

每病法家流但事筆與槩虛文失情實舉劾皆絢織
公卿習為常動輒生疑嫌落落視大義營營畫私歛
致令犬豕徒跳踉在嵯巖空調外郡兵入境先痛疔
朝廷重臣職擇彼輿論僉誅賞一出已毋拘文法嚴
彼雖要荒間聲教之所漸豈無忠勇者拊膺坐蓬蒿
購募不可緩恩威貴能兼拊循各有素強弱無庸覘
土性耐蒸溽方餐慣煨燂既耕亦且戰勿青歲月淹
充國罕羗服狄青儂獠殲子方尋徼歸我則安窮簷
因言忽及此有淚忍不沾更為盡一觴樞陰畫織
明朝復千里相望青雲興

流民歌

邳徐二州皆凶灾流民如雲過江來布衣縵縵泥水
破黑妻騎驢兒在懷為余言之心胆摧剥掘榆皮蘆
白藜只今貫鈔一升米不去坐死何為哉

齊老堂

宋理宗御書賜史彌遠今歸吳氏具慶堂

齊老齊老人齊老多少世人齊不老史家父母昔齊
老吳家父母今齊老當時落筆山嶽光二百餘年歸
此堂秋塵如烟隔精采白髮眼明猶再拜

昔年

昔年有語獲白頭棄我忽作齊梁遊雲鴻不飛音信

斷寶鏡塵昏秋髮亂君心一去如飄風妾心死與黃
河東清霜昨夜入庭樹欲寄寒衣不知處

題李早三馬面圖

金季時人畫

奚官熟間秋馬健秋草青青河練、誰知萬里欲風
塵寫入時入手中扇只今但賞畫者誰錦標玉軸皆
名題空令林下老韋布似聽塞馬嘶風烟

贈御史孫幹卿

前年好友高知事口口談今孫御史泉南漳浦號評
刑結獄大囚心盡死牙籤滿架護眼明貨財如山秋
葉輕為人更有最難者聞一善語江湖傾陝西行臺

霜雪裏控制羗渾千萬里澄清乃是夙生心豈待西
風方擊轡三間老屋狐兔丘浩浩古今無窮憂豈冠
及見此賢俊未歎深山空白頭

題潭州李侯祠

長沙李侯烈丈夫孤城未陷期頃刻殺身報國世固
有闔門不生今古無一時義氣塞天地宗祀縱長非
所圖勇哉二客亦從死已事劔夫還自屠至今言者
心胆破想見坐血紅模糊故家雖作孔子宅庶下爐
香人共惜專祠肖像一朝新凜、配從皆其人蒸嘗
自此千萬世賊子亂臣生亦死

美葛子熙

臨川葛生朴且文負擔有力能辛勤家貧妻死母又
老短牕挾策長云云忽思句讀送日月曷若江湖老
骨筋高碑大碣處處有篆楷草行兼八分畫長院靜
手自打襟袂染煤常若重旁搜遠取到川陝况乃閩
淞江之濱通都大邑逢好事羅列古雅踰璣纁相酌
金帛不論直豈比市井爭鈞斤收藏圖書家若府下
者秦漢高華勛春初過我因細論絕勝待食如牢殞
四方達士一時見野店濁醪常半醺頽余髮齒久希
豁脫簡尚閱徒逢芸何當一竹雨芒屨共逐溪山秋

半雲

贈王孟剛

東平少年王孟剛譬彼玉美金之良靜明先生振古
學及此一見中心降似非疇昔有靈骨敦不睥睨而
傍徨肯捐俗下奔競態樂就席未振趨行英髦文會
我所願事業川至君方將非為真實有興起亦且編
簡盈筐箱輝々過眼翠羽濕落々照坐神珠光師生
於義未應捨父母入念何其長朝咨夕究非高異天
上地下惟綱常頻年相近歡不厭一日欲遠情為傷
朔風吹柳可得折臘蟻在酒無從觴已知遙發問歸

掉未卜重對清談床人言肝胆分楚越理則古今無
樊牆魚行千里春浪白鴈落一矢秋雲涼寸懷彼此
不須惡但遣初志長毋忘

鄧子高玄明粉歌

天冠山中鄧子高瓊臺絳宮神所邀歸來制練玄明
粉石鼎夜：生光毫清水白雪相烹熬廣寒之杵玉
兔操十搗萬搗成雲膏六丁六甲呵護牢電母照耀
雷公號神君奮髯開寶刀病人圭匕到口腹三尸二
豎皆奔逃破裂痕結宣腥臊飲食自美元非饕餮聽耳
明目扶傷勞久：服之無二毛山中脩竹圍庭臯風

枝露葉秋飈：故麻日炊綿布絕奈此瘡痂方哀磬
若江彭蠡春未濤胡盧自負行輕舸晦顯莫測真仙
豪苟有及物隨所遭株守無用惟吾曹

寄薛玄卿

扁舟惟在藍溪渡篙子窮忙非敢侮移床沙岸近青
竹欹枕蓬窓數紅樹昨宵曾子始來說三度出門三
度雨留行會別愁皆天嗟我与君安敢怒

番易仲公李先生文集卷之一

番易仲公李先生文集卷之二

古詩

次韵咸总管賦雪

長風剪水不成片城上將軍鐵為面五更吹角墮梅花
天女騎龍淚如霰坐冷萬瓦白參差人在蓬萊水晶
殿黃河夜合龜鼉深太行曉裂豺狼戰尚憐廬阜足
佳致五百寒僧不開院崑崙峯朔南日本東未信天
花一時遍塞邊勒馬公所閑橋上騎驢我不倦化工
作巧本容易臘盡春臨已三見明知無酒俱冷落豈
有多情更歡宴長安市上一貧士白晝閉門何所羨

題萬氏姜逸山別墅

李存老矣營竹莊萬君別墅亦在姜逸山之傍何當
縮地一百里長鬚赤脚買魚沽酒朝夕相翱翔

題遠山書院方竹

遠山書堂數竿竹立雨搖風如綠玉仙公好事畫作
圖詩客多情賦成軸竹邊有人過吾廬誦詩展卷清
有餘聞知竹老須滿節內員外方我不如

畫蠨

詩人素饒饗見畫張醋香風蒲青颯々江沙秋未霜

次王元中韻

堂々休明運佳氣滿河嶽士無終身悔道有一宿覺
之子文獻家嶄狀見頭角况當盛壯年顏貌若丹渥
遨遊石溪上何異鴻得楠窮冬忽相過接語如嗜學
煌々七星劍疊疊九成樂我若大海舟茫洋竟焉泊
鯁鯁相伴侶風水振鈴鐸又如山下石粗泐復誰琢
幸有知己人梅邊手頻握

美徐典史再任

安仁雖小邑政爾費懷撫去年救饑荒前歲接軍旅
填溝隨死鴨索肉過饕虎長官亦奔走按擯更勞苦
朝飡或曛黑就枕聞五鼓聚米猶聚金視身如視土

三年當考績遺愛在農圃忽聳可借寇是則天所與
羨君詩禮裔涉世通不腐况有五男兒翹翹盡萎楚
顧予何為者扶策老環堵君來即知己杯酒相爾汝
豈不幸長留時、共難黍義當公天下私欲安敢取
玉承事均金謠
公來涖茲邑數月始求見時逢芒種雨喜氣滿顏面
恤民有真意為政自無倦貢金均衆力早禱先己謹
道路既歌謠困倉亦餘羨况聳用休暇稍復接群彦
永晝拂清琴良霄玩黃卷武城得言偃單父逢子賤
願公堅此操循吏久當傳

寄題劉氏集義齋

義者果何物而乃俟于集喻如久行客名利兩羈繫
孜孜較青紫瑣、稽百十朝昏膠入漆夢寐水流濕
忽聞知己言胡不返鄉邑青年既流蕩倏爾白頭泣
一時生感慨俄頃具車筮渺、絕江河迢迢歷原隰
或僵泥滯滑或震波浪急雖則多苦艱歸休志先立
入門集尊幼藹、舊和翕鷄豚与黍稷取用無不給
是為吾固有鄉者徒汲、義經尚頻復孔訓記時習
所以名世賢多言屢于邑高齋用斯扁古意真莫及
倘或信吾詩不須動負笈

題贈臨川李兼善

南豐羅子知名久，來館宗家與相友。秋風一日到東
籬，收拾行囊歸葬母。偶逢臨汝李兼善，家世素儒心
甚厚。平生遊藝及山水，兩卷青囊常在手。為尋佳處
得瑤瑚，草潤松深繞一畝。價錢僅費五十貫，主不食
言人莫嗾羅家大事談。笑了噴，無瑕齋衆口。李君
為義不為利，反攘之餘長揖走。豈知天意相君子，吉
兆能入凡事偶。吾翁平日尚此事，喜買廬山殫所有。
往來觀者數百輩，甲或可之乙稱否。朝歸暮往芒屨
破，野店蕭，幾樽酒。苟非宿昔未逢賢，定是蒼，不

輕授吾聞地理猶人身，有穴宛然鍼與灸。後來福德
未相稱，青不見苗。惟我莠我今汨，心未已。人事天
時宜，兩究何當兼善忽相遇。混沌一朝為我剖

寄題徐氏屏山堂

吾聞洪都徐永平，作堂居傍山。若屏東西插，架更書
史與我靜對，皆儀型。功名如幻何足計，但見舊物擅
青青。堂中賓客日雜，運窓外松柏寒。伶俦古今華構
嗟，豈少杞毀不待斤斲。停永平今去六十載，兒子白
頭猶抱經湖邊之山。秋最早紫上短檠，深夜熒平生
知己有過者，脫巾掛竹相忘形。諸孫滿眼又勤讀，玉

未出璞先玲玲願余向哀百無慕明年杖藜當扣扃
西山雲霧与一吸窓下不眠能細聽

登金盤山詩 有序

至正七年五月二日余登金盤山積雨初歇艸木
欣然一逕縈迂約五七里始及僧顯所營也四山
環聳中得寬廣辛勤數年僅成一堂良不易也顯
方出遊別村吳盡而返因賦一詩以遺之

籃輿曉上金盤山山僧乞食方未還徒從負鑿皆出
作一犬臥吠清泉灣地無沮洳宜粟麥土有墳埴稀
榛菅瓠藤葛蔓籬漠々薑芽芋葉溝斑々向來人跡

罕所及唯許樵牧時躋攀漢時王者曾葬此惡蛇毒
虺多神奸相傳田野不足信苟非佛域真仙閔道人
宿有山水分擇地即得天非惝拮拮之手較跣足寸
土尺木難而難把茅蓋頭亦足矣何用美構追工搬
柰緣好事世多有重在一念輕千鏹人生百歲彈指
頃寧幾少壯尋衰孱文章富貴皆外物至樂無過心
長閒我來巧值師有出煮茗自汲春潺潺尚須早晚
秋雨過亦就白雲半分閒

題陳同年秋有堂

采采黃金花蕭蕭青玉枝不隨別時好每与風露期

所以彭澤公休官在東籬相對每無酒徒有好文辭
同年陳徵君種之亦盈畦客來便開樽爛醉不復疑
去春始相識烏髭滿丹頤豈非制顏齡古語果不欺
頗訝邑里同扣門定何時落英幸見餐庶以療吾衰
挽楊閑中
高閑應記曾遊者赤日黃塵正長夏此翁倒屣出相
迎羽扇綸巾絕瀟灑僮奴俄頃樽具俎談笑無窮到
書畫十年別去勞夢寐一日傳來成羽化達懷委運
更何求老淚多情自如瀉長遊滄海總真趣回視人
寰徒正苴莫言埋劍在龍唐早晚紅光看斗下

倪友文氣清而性和聊以數語為別不足舒
吾意也

若人少嗜青囊篇乃肯過我非其賢山行不避六月
暑因與赤脚踏清泉祝君聰明天下士文學許之無
間然白瓜青豆且共飲尚可倒囊尋酒錢

題虎溪三笑圖

行止隨時何必限一虎溪偶過虎溪何笑之為

題塗季方廣胖堂

世間無物拘礙我童冠莫春風舞雩不隨二氏樂荒
怪亦有細人疑腐迂堂中之人雖未識取義名堂吾

獨悉何年鮮屨登斯堂清坐共君春晝長

題視學鄉謙謙齋

學鄉之學謙且謙用以扁室何其嚴天高地下人鬼
著反此則害無庸占權門擁篲情如閹倒執手扳神
為殲君看落花流水處譬彼食蜜中邊甜

和汪子長韵

閉門久与同烏浙簸簸老竹秋風先日用浩浩皆吾
天去古遠矣誰當傳身雖塵土心則仙玉株碧樹分
後前龍溪居士通玄理亦視浮雲如脫屣當時經濟
不盡材留與子孫真上計日車難把長繩繫男子功

名須早遂濟川舟楫真尔曹安肯坐守東西舉禹鼎
象物深且高魑魅魍魎何能逃期君他日行此志看
取千丈生光毫

次高元博韵

亂後作

老逢盜賊繁俛爾度昏旭蕭々數莖髮連月不暇沐
晝常雨中飡夜或林下宿深惟崑岡上誰辨石與玉
茹珍蓋糠粃飲水即醞醑相逢肝胆破豈但皺眉目
大宜適他所采擷皆可藪揭來安且靜殆若立於獨
南風滿窓簷衣袂清不醜梅寔得調鼎松明勝燃燭
顧此若蝸牛殼中少涎足故人意不滿蓬華無乃辱

置酒對榴花誓將徙華屋吾嘗學仙者隨處夷武曲
矧茲秋風近白酒家有熟雖無魚羹飯賴與鹽齏粥
贈陳九成遊國學

黃雲潭：天欲雪陳子初來即言別值吾築室正狼
籍為煑春茶供再啜子宗九江稱義門明年挾策遊
成均奎章先生賦詩贈秋波一幅清無塵竊聞國初
許祭酒正義堂：古希有諸王附馬皆敬憚帳下公
卿列先後即今規矩猶當時肥羊大餅午不飢願君
努力積分數他日錦衣當晝歸

次韵吳宗師和元叅議道宮墨竹詩

東南海水先秋寒上有鬱：三神山山人或玉京
住山中竹石那得隨渡黃河滂是誰好事寫于壁風
枝雪葉依孱頑人知寓物不留物我并無寓閑而閑
中書叅議亦高致倡以妙語題其間不須駕鶴仍鞭
鳶坐閱物理如循環有時見此非詩非璧亦非畫但
覺鼎內郎郎金丹還

下第南歸別俞伯貞

驅車出都門別酒忽在手去國古所悲况復失良友
花：丘中麥鬱鬱道傍柳揮手從此辭烟雲黯回首

寄史誠翁

誠翁女賢聯騎過吾竹莊上留之不可忽忽而去
他日以詩寄小形不滿云

入夏多雨意頗清又說新水上高坪不期而來吾所
喜若留亦去君何情村醪方熟幸免沽熟鷄雖瘦還
當烹癯然不試今老矣日日相觀須友生

寄題臨川樂氏東白樓

喔喔林下鷄炯炯窻間紙奈此且氣何幽人攬衣起
於時無所為默識天地理由之為率性反是則迷已
求仁信尼父言善尊孟氏家君構重屋取扁豈此意
青青山外山渺々澗之水石根有松檜沙際有蘋芷

深簷霧或宿危角星尚綴省察屬吾儂無從但瞻視

金溪尹德政詩

金溪豈但千餘室得尹多賢從昔日其間趙李最為
優鄰境至今誇未畢朝廷經理在延祐吾獨令民先
自實稅糧飛空虛戶逃詭無窮研磨皆以負豪姦不
利終莫沮區畫公平嚴且密遂令高下出信籍貢役
歡然非督扶邇來近越三十秋刀筆貪險閭閻偷簿
書徃徃有緣絕經界欲慢將安尤社神有怒陰有相
剛決而善來周侯丹鉛朝莫躬點勘人不敢懈誰其
瘦漢時黃霸稱能治某木可棺猪能祭孰云千里劇

而毓殆若邦君私事耳每疑州縣今最難使家上府
臨如山所尊所習乃文法豈有骨髓憂民間坐羶未
穩欲交代催科送迎何時間模稜斯可足歲月否則
急歸囊慳後人果盡不如古空遺林下多長嘆侯
今漸老方無倦經術文章能幾見已知增快輿情
他日必先循吏傳

又魚

霜風刮面冰如刀持叉入江矜厥豪投深中天始一
出眼溢膚凍如紅桃嗟爾得食亦稍一性命或与蛟
龍遭安得長叉一萬丈直向海中叉六鰲

和丘南傑

渺渺北上下沉沉楓樹林但見黃葉落不知秋意深
西江有高人百里來相尋平生妙詩才足慰昔風欽
飽遊閩嶠中浩浩古與今氣可拔九地當為千尺岑
甕盎同紛紛希聲求大音何時得重來窮此千古心

寄題陳氏東閣

大明生于東熟不快先睹陳公搆高閣百尺凌清霧
鷄鳴四無人起坐寒牕曙雲霞已披靡海浪尤掀怒
滄涼成寓辨寅賓付稽古流光洞織隙初氣足吞吐
紛紛方美睡鼻息撼環堵

贈王簿汪復心運糧至宣州回

汪侯瑚璉姿夙昔忠孝門屈身簿佐間公事多馳奔
運餉出千里濤瀾江漢昏蛟鼉固云驕盜賊相并吞
皇穹一何情聞者猶喪魂我侯秉家學勉勉心自溫
靡盬有前訓致身無後言惜哉朱鳳凰八表高飛翻
正色乃齋楚岐行皆弟昆終知世所乘或者天實存
故山夜來雨青青滿東園脫有相過便一觴聊可護

次韻答沈文友

至運有消長大明無中偏沈郎真特才餘子非其邊
已無俗中態更信古人編髻鬣蕩江海金珠破昏玄

歲晏始相逢促席梅花前樓角轉山月歸人行暮煙
開懷更一一過眼空千千嗟予離索人膠柱胡能言
冥頑苟云理土石皆為仙秋葉難自惜寒花誰与妍
明知指非指所貴大其天燕石不在擯游鱗隨所筌
紫陽賢昆弟好學無其先稍稍外形迹醉時吾即眠
乃翁廊廟資文采如雄遷愛子及其友勉旃皆盛年
送洪教授茂初

忠宣潤澤餘孫子分教如今在柳州此心初不異孔
孟何俗莫可回商周玉堂金馬自茲始九疑三湘因
得游蛮俗舟車過如織安得時遣到賓州

題太行飛龍圖

仙人家住錦水湄
父母在堂懷綵衣
太行飛雲日日見
豈必千載方來歸

贈劉與畊

秋風吹予之衣巾
庠序偶爾逢劉君
父章侶海方戰罷
兩袂猶帶西山雲

偽抄謠

代為耆杜作帳辭謝尹揚思齋

國朝抄法古所無
絕勝錢貫如青蚨
試令童子置懷袖
千里萬里忘羈孤
豈期俗下有奸弊
徃徃造偽潛隈隅
設料定律非不重
奈此趨利甘捐軀
縱然桎梏

坐囹圄贖有囊橐
并尊壺生平心胆死
相遁口舌所掛多
無辜人生既以不堪此
惡卒乃藉生危圖
苦之捶楚甘酒肉
役用在乎猶拌珠
或思夙昔報仇怨
或出希覬傾膏腴
搜求寧肯剩鷄狗
汙辱間有連妻孥
何如巧遇賢令尹
燭照劔斷神明符
先窮支蔓到根本
礦鐵雖硬歸紅爐
非惟此境少憂畏
亦遣隣邑多懽愉
自憐弱肉脫虎口
從此飲水皆醍醐
誓將白首至死日
頂戴豈與劬勞殊
願推此舉遍天下
咸使良善安曰盧

卷二
番易仲公李先生文集卷二

番易仲公李先生文集卷之三

古詩五七言

慶吳宗師降香南歸帳詞

我朝列聖仁如天齋宮穆：賓神仙神仙無為法自然
襲疏不愧莊生篇 皇帝有詔卿來前陰隲下土
卿當先稽首受詔毋留連紫鸞飛空金作鞭寶籙新
剪天花懸銀鴨冉冉分龍涎并聞海上三山聯瓊臺
貝闕靈所便酒醴瓜棗陳千筵寶章夜飛風肅然物
不疵癘民無愆下土再拜師能賢

詩別汪伯羽且聞天樂漸行并呈似一咲

客入山中來繫舟在寒浦棟秧昨日了得此芒種雨
片言即欲別豈不共鷄黍賴有柯煥師蓬窓足深語

橘亭詩贈黃生

已園剖橘逢張棋未剖已先入不知到今智士訖剖
者勝負紛々未了時黃家亭中亦多種幾見十月清
霜垂更須會得未剖已先意欲車欲馬欲砲欲象皆
繞之

挽楊牧心

我家祖母公之姑聞昔過從不少疎夜月幾吟梅下
石秋風常醉竹間壺陶潛未老即歸去虞卿非窮多

著書嬉遊尚擬共諸父忽謾往矣令人吁

祝丹陽以古琴見惠且寄以詩次韻答之復

以史畧一本為謝

涼風蕭蕭吹井桐佳懷如寶千不逢二年蹤跡走闌
闌面目土灰心盲聾莫羨豈異伏櫪馬雲漢獨羨高
飛鴻詩琴遠致心甚厚金玉脩具相玲瓏大珠沉淵
烟不動朗月照水清欲空亦知廬阜入幽夢幻此三
疊銀河風紛紛醉裏不知老有此二美誰吾同彈琴
固可消世慮作詩乃或令人窮未如祝仙古崑下往
往遇會方瞳翁聊將史畧報深意并問馬首何時東

贈蔣立賢之廣德任

靜明先生真古傳誰其師之三祝舒嗟余小慧成大
愚欲信不信空居諸論詩作賦甘區區一語及學范
無途終然旁薄羞不如過此盛氣隨樞趨義哉詩友
不棄予輔以切磋何勤渠初如蜜炙香且腴久若劔
刃深剗屠惻時玩日雖故吾渴則必飲飢當舖象山
之學非高虛六經在人一字無平生感此誠難孤仲
祝已死良可吁知君識見與俗殊想今致力誰能踰
搜剔窟穴窮根株我雖未識心先輸此行贊教風雲
初首著侑食甘于魚棘闈擢士稱錙銖季祝已中登

公車朝二友為時需嗟我不喜當何時嗟我不喜
當何如

李仲祥教諭棄官侍親歸寧國

先生家住斐溪邊來此學計方蕭然東禪西補長如
煎藥不可口水寒堅宿昔敬慎無遺捐毫末泛濫心
拳拳荒中飾外俗則圓恐懼修省慚遺編九州庠序
如星聯安得公輩多百千斗升翕忽空中烟奈此靈
府良難全高堂頤髮霜娟娟千祿及養夫何憇忽思
溫清誰當先十宿九夢針生氈一朝遂賦歸來篇詩
書在囊月照弦秋瓜之飀方綿綿仕止有義吾何權

先生去袂誰能褰別意不盡隨流川入門想見又歡
妍彩衣跪舞風踴躍桂花蘭葉香滿筵酌以大斗行
金船君親二事初非偏孝則此日忠他年

次友人晴韻

忽有竒趣生朝晴即而失之行復行山流無梁不可
度梅花立烟何尔清東丘老石亦佳色南陽鼙鼓非
和聲安得無孔一枝笛與我崑崙絕頂橫

薄暮畧歸

山花淡無憲山靄清欲流行行豈不遠足倦安敢休
正為落日恐忽見月在頭躊躇成獨咲且復得悠悠

臨川南洲何成道有詩送葦與陳又新真人
真人屬和且以見寄因次其韻并簡成道

仙人豈必芙蓉城世味淺鮮神自清或隨天際星斗
出不改山根露霜明南州有人榻應下北海之座尊
且盈紫芝謾采亦成曲未許遂與商山名
來詩足貴如連城舉觴再詠新且清閉門苦覓信無
已指鼎即賦聞弥明揚花從汝歲冉冉瑤草在我春
盈盈向來陶陸為菊好未必千載餘其名

寄舒元易

昔聞舒子言今已向三載可憐下愚者孳蔽不自解

百年真倏忽况此弱而癯嗟余古之徒菲體辱相採
絕如溝中螻豈識江與海江海未足云天覆而地載
明年已多幸稍已開柵械青青溪上山誓欲從子邁
倘或與所聞雖死亦何悔

理有必然至事有不可測堂中親白頭房內妻發癘
孤姪每來前顏色何慘戚既無甘旨奉又乏育子力
幸然秋稍收禪補隨所得雖知非外事寧免相感激
客床半夜覺展轉而反側忽喜鷄一鳴寒慄尔難白
汪主簿清明不出見寄次韵

人情雨中花客意松上烟苟非薛下門何以歸龍泉
附驥知自遠慕羊徒得羶君看長舌人早晚乾無涎
所以汲太守穩作南陽眠昨日出東郭風榆吹綠錢
流光一何情去去我郵傳道逢誰家子饋莫號新阡
感此不能已我筇吹晚天

次韵戴同父留別

明主建皇極元臣運洪猷嶽安海無波羽鱗斯泳游
誰云吾道東声教喧中華漸磨三十載荒徼靡不修
祥鳳瑞自来天馬豈待求漢業避光大周基共綢繆
時逢戴廣文炯出水壺秋信非巖穴姿致此盖有由
西風芙蓉花去駕不可留情隨別觴盡目與江烟悠

有句不相寄，遐心定誰尤。

贈周易初

山木日已陰，東風澹荆扉。子從遠方來，未久遽言歸。
壺傾不忍別，乃復把其衣。卓落豈自放，孱頑甘所撓。
致君術則同，枉己禮或希。聞風固有訝，信道未必訛。
高帆拂疎烟，江水日夜肥。願子慎流止，前途多嶮巇。
山中留夜宿，明日以風雨對床眠。為韻賦詩，
雅性厭喧隘，結廬林野中。果何有勢利，罕相從。
異哉四子心，春江遡孤蓬。洒洒竹方雨，冷冷松欲風。
貧家百為無，蔬食隨所供。但于文義間，稍願相磨礪。

願此有餘樂，言旋何尔匆。人生无定期，徃々如萍蓬。
豈不易分別，談諧誰與同。尚壞秋花前，興滿山園東。
豆寒始能莢，韭潤亦已叢。倘或不遐棄，請遊應可重。

壽吳閑閑

三山駕滄溟，鍾秀生神仙。信為外物姿，俯結區中緣。
早隨玉堂客，經揖金爐烟。詩書乃餘事，行義真無前。
瑤壇奏通章，報國殫成愆。玄和格窮壤，彙類豈且鮮。
冠裳七寶粧，十載褒恩連。高堂有其慶，燕越心所纏。
膳饘以時至，暑葛冬而殫。丹砂雜遠藥，備養無纖愆。
乃公性嗜酒，巨量如長川。每逢親故來，一一乾瓊船。

夫人善將理筋骨弥清堅朝昏總衆務內外靡不宣
我

皇降厚澤暫許雲鳧還奉觴再拜餘顏色復明娟我
聞至德士徃徃昭其天四海誦光美鬼神無間然貴
富時則致此歡那得全嗟予不殄人怙恃今則偏謬
為童子師卒歲如拘攣精神寄宵蝶勇萎慚春鶻吁
嗟甚蒙頓在己在當權徃者雖弗及來者猶可為山
田秋日高小徑相扶牽或分棗如指或割瓜如拳或
沽鄰家酒或釣東塘鮮雖忘榮華事頗以適自度名
山豈不近百里寒泥濺既無謝公屐又乏玉良鞭靈

菊正芳晚江梅香共妍想見酒如澆賓客填華筵缺
然安所徇引領歌青篇向來帷幄中不隔崆峒巔達
者自天佑追歡當有年

題開山寺上人翠深閣

吾聞開山寺繞屋萬竿竹沉々窓几靜冉冉襟袂綠
道人燕高閣曠刳心自復端如九秋水浸此藍田玉
嗟我本凡庸塵埃滿茅屋清遊豈无興何事久羈束
遊古象山一首贈別陳又新入京

昔聞陸夫子講學茲山巔山以賢得名名以賢而傳
近從師友後結此登山緣溪流涉光烟送草披蕃鮮

松栢作旌旆，蜩蟬為管絃。盛年筋力強，老大須扶牽。
祠基久方及，杏石遇最先。梁棟藉荒草，炷香神颯然。
幽竒樵或知，物產僧所權。漚竹可成楮，燒茅斯糞田。
復循馬脊岡，四岫分躡躔。瑩公址亦存，池井皆充填。
閩水尚青玉，吳疇空紫烟。上山日始升，下山燈火聯。
觸景有深省，敬游心共專。真人益高懷，馭鶴來天邊。
昔時釣遊所，一一無遺捐。或尋靈運屐，或待淵明船。
仙甕足春酒，清歌方扣舷。芙蓉涼欲花，又著歸朝鞭。
尚疑鑑湖公，一曲遂自便。行藏吾有時，外物何能遷。
出山山不嗔，居山山不妍。長咲了山意，青青時在前。

贈臨川葉以清入京并呈其兄邦用

江城六月暑來此，幽入廬沉。千竹林烟炯，雙玉樹
伯氏清不撓，季子通有餘。為言秋風起，逝將游帝都。
秋風萬里長，吹子舟馬車。堯舜相揖讓，臯夔協謀謨。
孰云百代下，而不回古初。人生于此時，誰能守丘隅。
况子富且美，行哉莫躊躇。

次十叔種菜

陰陽無停運，菜甲互消長。但令人力及，生意孰非壤。
七年東山下，剪棘開一掌。推牛付危味，烹蘆藿足真。
賞形癯志無，攝胃澹心則。廣身雖萬夫，後興乃千古。

上縱情宜有止行樂貴非蕩堂：十家叔雅度合玄
奕林園托高蹈葵菽擅清享謀生或云拙至理焉可
罔悠哉有超悟允矣無骯髒

次黃晉昭韻

堂：曹州伯學道窮諸艱二年竊書鄰指戒觀其瀾
華章一為別字字皆悲端我如再歲駒始受覆与鞍
已愁大行險况涉流沙漫君如中天月一照山河寬
餘光落尺素許我平生看

和彭起南韻

黃葉風吹盡林間見枯株若人獨何為乘比下澤車

他物非所求辛勤在詩書既頌北海座復謁南陽廬
信有衆善歸河流深九渠頽茲戕賊餘蔓草日自鋤
從渠訛議者謂我腐且迂孟氏取不愧義經明有渝
他時忽自強老矣將焉知

寄題曾高士清真齋

清濁非二理真偽同一机苟云清且真濁者斯偽而
請看混沌初何物為端倪所以柱下公嗒焉抱希微
之子早學仙離郡獨巖栖滔滔若江河誓不滑其泥
誰為清真字扁乃齋之楮人皆慕渠達我則怪渠癡
幻軀等臭腐畫景頻推移對治自殺擾分別無窮期

何如一樽酒客至相娛嬉酒酣棹輕舟巖下浮漣漪
漣漪有秋色琰琰吹人衣願此尚何言一咲當脫頤

哀祝明遠

我昔遊師門與子始相識襟懷霽春氣顏色澤而哲
憐我學無方為我數開迪子言雖懇懇奈此正茅塞
他時七月暑子與舒元易芒鞋杖而蓋訪我到 僻
松陰作參坐快飲不餘滴清論秋夜長草舍隨所息
蚊蚤及風露義不作賓客別來子久病傳者亦非的
但云類疔瘡豈意至茲極我嘗習醫藥此候頗不惑
中乾而外強翕々唇頰赭痰涎屢吞吐寒熱互煎逼

我雖弗果問子固不能即寄書或浮沉遣价胡不克
縱無續命方未必大差忒一朝訃音至造物爾難測
老師倡絕學正賴相輔翼譬如萬稂莠初覩一二穡
有子未為多失子良可惜深慚病莫助執紼當致力
及知己没土尚擬瞻几席因循至如此過矣復奚飾
昔為同舍好今有生死隔嗟我凡下資意欲填胸臆
支離久成熟豈悟本方直靈苗不自愛日日縱螟螣
今雖來照徹實信已非億緝熙苟無怠非久當有得
子雖在重泉豈不念疇昔明明為子告執筆重悽惻

贈黎山人

有客來自江之西家傳地理姓則黎淳風郭璞今遠
矣妙緒未墜非君誰吉云禍福自有數龍穴沙水寧
無之先當全我好心地待子指頤方為宜

張氏存菊堂

春華固陽艷達士蓋罕求所以朝暮聞守此一斛秋
白露既泥泥涼風亦颼颼足興千古懷豈但消古憂
向來彭澤翁與爾何綢繆徃徃不得酒長吟空白頭
今逢佳主人地位宜公侯高賓每相過輒以大白浮
醉來飡一英方寸清休休縱有俗中樂于焉非所求

懷高元博喪子

聞君生佳兒玉雪何瑗々每嬉書室中簡冊更幡拖
舉臂請塗墨飛堆作鴉螺紛々命相家許與實非阿
豈惟必秀苗合是同穎禾圓顛玉瓜線早晚思一摩
今年春三月偶亦遭寒瘧遂令鸞鳳雛化作螻蟻窠
青山黯無色白淚如流波頤此吳縣居問弔空蹉跎
蒙莊齊物篇理到不可磨嬰孺未為少髦期烏足多
浮屠亦有言恩愛皆成魔只將彈指間一視十劫過
况傳合浦上蚌老氣益和吐珠或徑寸紅光避蛟鼉
屈信乃其常徃復信不訛尚求樹下環暫名壁上梭
秋風破新菊秋雨鳴枯荷且開翠醞醪酌以金巨羅

弄琴何其聽舉案當無頗芝蘭敢專美弓冶非殊科
徒為喪明者奈彼東門何

番易仲公李先生文集卷之三

番易仲公李先生文集卷之四

古詩五七言

題四明施華甫平軒

惟水有平德次則莫若衡水逢巖險地衡付貪婪砥
隨勢作騰注以私為重輕試看涿：流及此釣：橫
萬象寫虛靜列星分燦明至公果何言取以為吾程
雖居叔季下是則先古生疊：有親睦休休無闕事
奈何或不同刻此利害兵勃然千尺起嗒尔九地傾
高下遂異乎由來豈初情四明有施君少以法律名
雅遊聲勢途每擇夷坦行玩縱固不敢刻深良可驚

宴間開小軒花木羅四楹應物只如砒心神常自清
勉哉幸勿隳此語非徒成

贈艾民章

客從西江來欲入武夷去道路既阻修冰霜况寒沍
為求鷗鷺伴并賦鶴鴒句臨別一驅車前村但烟霧

贈孫寫真

平生懶照鏡不自見其老孫子偶寫之嗒為一拈搗
坐令百邪念勢若河堤倒焚香白晝靜冉冉庭前草

游演法觀

朝讀松瀑詩莫遊靈芝巖道人春甕開酌之深夜談

清竒一難逢况此二與三豈無黃精苗草石相與槭
明年當再來歸製一尺鏡

題雲菴

夜宿雲庵中白雲滿床頭客來雲不語客去雲不留
明日在山下白雲何處求

題夏氏原清齋

夏氏好事者構坐曰原清苟非活水來何以為此名
想見太古秋冷冷浸牕楹孤雲若求侶缺月相與明
素琴既橫床濁酒亦在甕遊鱗最堪玩白鳥斯可盟
心境兩如此是為葛天氓

題柳氏雪堂

誰誇佳氣充閭宅此獨山河三尺白化工作巧古難
逢合降玉堂揮翰客銅盤燒燭爐炭紅衣之錦綉宜
重重房中腹我屬阿媪房外撫汝勤而翁它年嗜書
如嗜炙鹽、鄉邦起聲價分當扶策待金門豈忍一
朝離膝下悅親有道構高堂龐眉皓首春雙雙時
帶脂每在庾臘酒如乳常盈缸此心冰雪何年泮寒
夜雖長吾則短黃昏衾枕有兒眠二老勳、天地煖

湖山閣

湖邊深山一高閣閣中之人講唐虞堂、千古亦人

耳皎、此心非我乎松風滿衣白晝靜竹月入窓青
夜虛莫作留連光景者只將登覽送居諸

贈張伯圭孝廉

竹深十日高齋雨
屢屢相過傾肺腑
緣何方闕俗中
疑為着儒冠
羞仰俯
婦翁開閭
炎海頭提刀殺賊老
不休帳前幕下造多士
婿美如此猶林丘
西山之雲

南浦兩家次結廬
心甚苦明當使上孝廉
船且植松楸
護千古

題趙子昂畫馬

世人相馬只相強筋
翻骨跳塵沙黃誰知毛鬣風不
動一日試之千里長
吳興妙手天所借
白帽奚官亦閑暇
試令伯樂再相逢
不識畫圖惟識馬

題孫寫照
与前贈同時作

古今富貴者功勳
在生民百世不可忘
宜尔寫其真
顧此貧賤夫誰喜
復嗔誰描摸亦勞尔
壁上徒凝塵

懷直清

烟瘴幾萬里父子惟二人視積不尚同致辨或隕身
 懷哉苟且風奈此羞緇磷幸逢滌洗餘宜得消息新
 夜雨不可寐寒鷄固難晨紛紛宦遊者胡尔獨艱辛
 題程氏玩竹亭
 程君讀書在空谷日日開窓玩脩竹山深雨過土生
 烟歌綠搖風如萬玉頗聞君家好弟兄亦有學仙游
 太清有時携酒歸竹下醉臥秋根吹鳳簫

義役謠

八都安仁最下都易水易旱生理無奉公徃役名主
 首半是摘翁擔柴夫或因苗麥僅升斗或忝殷實元

空虛于中得一稱上户土赤聊當辰砂朱五更飯罷
 走盡卯水潦載道歸來晡夫丁未物諸瑣碎每以附
 近先供需課程茶酒率陪閉所取鹽米何緇銖逃粮
 逸金不待論職曰子粒尤難輸公家督促過星火惟
 聽捶撻生虫蛆幾年辛苦垓容蠅一界了畢鍋遊魚
 間逢令宰賢恤者蘇息無術空嗟吁省府郡帖一朝
 下義遜得許從鄉間徐君更是好義者率以公正人
 爭趨同時共事數君子但有贊協無次且出多出少
 由厚薄若小若大皆懽愉支吾縱廣非獨力攸助能
 幾咸安居移東走西可免者那上趨下歸誰歟不聳

隳突到鷄狗但覺和睦安
黎鋤願以此舉堅行久美
事無以三年拘

贈命士青雲仙

有客過我談星纏江湖號曰青雲仙
玉堂為寫三大字蛟龍出海擎秋烟
我今齒髮久踈豁再問行年果窮達
去年買妾始生子一咲許之非天闕
且言願賦青雲篇焉知老退詩不傳
滿堂珠玉需我語不若燒湯喫茶去

題濟川趙氏雲崖

人生安宇下雲氣棲崖中賦形雖則殊
適意無乃同

纏纏綵衣子冉冉華髮翁列鼎足瓊饌
世家多古風或披褒貶史或弄金石銅
或行溪園北或憇梅岩東涉世既如此
尚何擾深衷矧聞佳客至未始清樽空

贈道士毛士原

安仁冲虛山中有人羽之宮所由來久矣
相傳有趙先生者死而葬人後於西川
遇之且寄詩焉蓋尸解也又有連先生
可久者落魄嗜酒能吟詩有集傳世人
亦以為得仙道云近則有李君誠先其
貌茆然其氣亦浩浩然有道術善役使
鬼神如奴隸致風雲雷雨不失期州里
咸尊敬之其傳後有

張君玄玄守戒人無瑕疵人愛之猶誠先也玄玄
之弟子曰毛士原盡得其所學且將南走閩越東
上會稽北渡河迤邐遊于京師得于其師者固
不少又將一一參扣四方之先達蓋不自滿足者
古人所難也敬賦一絕以餞其詩曰

古今理道無窮盡有志之人極本源定遇靈霄老仙
伯殷勤垂手與君言

洪武六年
日續書

年乙丑二月二十三

番易仲公李先生文集卷之四

番易仲公李先生文集卷之五

六言

贈別李克明遊金陵并東閩鄧二君子

足既着幾兩屐鼻更吸三斗酸風雲應有所會冰雪
莫忘相看海內才華磊：窓間句讀說：吾方美子
脫穎子必咲吾繫匏閩子東向安否鄧君北游何如
豈無秋風白酒奈此秋江綠波詩在白鷺洲上酒尋
烏衣巷中思君幾番夜月寄我一襟秋風為己自能
虛已即人頭是下人眼底淮山冉冉帆前江水粼粼

松澗潺湲圖

吾年六十三矣擾擾茅草岡頭安得坐橫樹上只看
石澗泉流

山泉圖

揀天之山不俗出谷之泉必甘未知此景何所將欲
移我侯庵

贈石塘隱者

我來適自城府赤日黃塵鬢須聞說石塘深夜主人
俗罷風乎

古象山舍菜

山淒淒兮欲雨樹蒼蒼兮生雲喜良友兮四集慚余

老兮無聞

湯繩武紀夢圖

佳遊已是夢寐清境復在畫圖人生萬事如此俗子
竊莫咲渠

又

階前細草雨過屋角長松風來共君說夢觀畫晚茶
一甌快哉

番易仲公李先生文集卷之五

